

Grup Peser Maybur Vizyonn Guernica

Enn katastrof. Latristes. Buku trist.
Dimunn pena kontrol.
Fer sagren, trakase.
Fer nu per.
Enn lafreyer. Kapav plore.
Lekor dimunn pe transe, ena disan pe verse, kriyote.
Blan lor nwar, dub fas, bann figir bizar,
Desinla, li enpe diforme,
Weh.
Bizar, form ki pa existe, form inkoni, *diforme*.
Pe sufer buku.
Tandans kuler nwar blan.
Enpe ble pal.
Pena zonn, pena ver, pena ruz, pena zonn, pena ver.
Sa nwar la enn zar disan, enn kuler fer per.

Dimunn paret fatige, kumans kurbe.
Ena zanfan inn mor.
Imortel?
Ena pe galupe.
Enn pe kriye, lebra dan ler,
Pe inplor lape,
Lake bef pe pran dife.
Suval pe kriye.
Suval pe trene, pe ranpe.
Suval pe rod so met, li'nn tonbe.

Ena dominer lor seki pli feb.
Bann la pe rod sekur, seki inn tonbe pe rod dilo.
E pa kone sipa
Bann la pu gayn led ar lezot?

Ziska seval pe dir arete lager.
Li trist, buku trist.

Enn gran dezord ladan e zot tu pe sufer lager

Lizye lor lemond,
Glob sa, glob ki pa pe kapav donn lekleraz.

Manyer pei pe derule,
Pa kone dime ki pu arive.